

Filemɔn

Mbede ká Pol ɗaa ha Filemɔn

Bay ká se tul feri ká ɗo bil mbede ni key

Mbede key na Pol ɗaa bay tul Filemɔn ká ɓa nzoɓ mbika law a ɓa ɲɛɛɛnzɔɓ mbijw ká bil puo ká Kolos. Onezim ká ɓa koy Filemɔn na ɗuu gaɲ ɓe. LEE, nam haɲɛ munu na, ɓáy Pol í zɪɲ kɪ í lo soro zɪɲ kɪ. Taambɔl Pol na ze Onezim víke ɓa nzoɓ mbika law. Fale ku le, Pol hii bay yɪɲra ni ha ni se luo Filemɔn, ze a ɗaa mbede key na a kɔɗke Filemɔn bay haɲa ni ka yaa Onezim munu ɓa koy nzoɓ hoy ya, roo le, ka yaa ni munu ɓa yu-ɛ ká bil Kriɓi.

Máa bayri ká ɗo bil-e

Law ini ɓáy mbika law Filemɔn: 1.1-7

Pol koɗ Filemɔn bay tul Onezim: 1.8-22

Óro ɓie bay: 1.23-25

Soko ká Pol hii ha Filemɔn

¹ Yu-i Filemɔn, ɓi Pol ká i mgba m̀ naa hul sal bay tul peɗ Zezu *Kriɓi, roo yu naari Timote ndaw na, ɓuru ɗaa mbede key na ha mù ɓo ká ɓuru ko mù ɓa nzoɓ nun ɓuru, a mú ɓa baw peɗ ɓuru ndaw na. ² Buru ɗaa ha tinam ɓuru Afiya ndaw, Arisiɓ ká ɓa baw ruy ɓuru ká bil peɗ Kriɓi ndaw, roo nzoɓ mbika lawri ká i mbu tul kɪ ká bil hul ɓo na ndaw pi. ³ Ndaɗ bay haɲa law huoke ɓáy ɗɛkɛkɛ Baa naari ɲɛɛɛwuru ɓáy ɲɛɛɛmbay Zezu Kriɓi ka sáɗ zɪɲ ri.

Law ini ɓáy mbika law Filemɔn

⁴ Yu-i Filemɔn, ká bil nzaa bay kere ɓiri ɓaɲguo na, m̀ ker se tul-a a mí ɗaa taambɔl ha ɲɛɛɛwuru ɓi, ⁵ bay ɲi le,

mì laa soro ðay ini ðo ká mù mgba zìḡ nzoḡ mbika lawri riw bele, rɔɔ ðáy law-a ká mù ðaa ðo tul ḡgerembay Zezu na. ⁶ Mì koḡ ḡgerewuru ðay haḡa mbika law ká ha náa zũokeri zìḡ kḡ na ha lereke ka ḡo ḡi, ðay haḡa nun naari ka táḡ ká tul fe kereri riw bele ká náa zìḡri ðáy faa zúɔ zìḡ *Krisi. ⁷ Yu-i, ini ðo ká mù mgba na ha mì bawda suoriya a ðaa wara ðo ðil law-i, ðay ḡi le, ðo na mù huɔ law nzoḡ mbika lawri na.

Pol koḡ Filemōn ðay tul Onezim

⁸ Bi na, mì ða nzoḡ ndáy nzaapeḡ *Krisi. Munu zu le, mì ḡo ðáy hurusuo ðay mbika nzaa-i ha mù ḡáake fe kere, ⁹ roo le, mì hii ðay kóḡ mù ðáy faa law ini maa. Munu ká ði Pol ká mì ḡi táḡ ndaw, rɔɔ timbeḡḡe mí naa hul sal ðay tul Zezu Krisi ndaw na, ¹⁰ mì koḡ mù ðay tul Onezim ká vi ða vu-i ðáy faa law-ε ká'a mbi ha Zezu Krisi ká ðil hul sal key na. ¹¹ Pola lew na, ka ḡo ða nzoḡ ká gɔr hɔy ká nun-a, a roo le, timbeḡḡe key na ka vi ða nzoḡ kere ro ðay tul-a ndaw, ðay tul-i ndaw pi.

¹² Timbeḡḡe key na, ðe ká'a ḡo munu ða wara law-i na, mì ha ni yḡi ða luo-ɔ. ¹³ Bi le, mì hii ðay hiyeyḡ ni ḡo lakun-i ha ni suo bol-a, a sɔ mì ká ðil hul sal ká mì naa ḡi key ðay tul káa Bay Kere na. ¹⁴ Roo le, mì hii ðay ḡáa fe ðáy tul-i taḡ haḡa mù zuɔ zìḡ mì ká ḡi ya na ya. Mì hii ðay haḡa mù ðaa fe kere ðáy law hiiya ðo kḡ, ðo nzoḡ ka sɔḡ mù sɔḡ ká ḡi ya.

¹⁵ Kɔ ya le, wál kḡ ðo ðáy Onezim na, a ḡáa nam ndḡi hɔy ðay haḡa ðo, ka yḡi a vaa zìḡ mù a káw zìḡ mù wḡm. ¹⁶ Tusueke le, timbeḡḡe key na ka ða koy hɔy mbáa, roo le, ka ða nzoḡ kere ká kal tul koy nzoḡ na kal, a vi ða yḡ naari ká náa hiiri ni ḡḡi ðamba tasiri. Bi na le, mì hii ni ðamba, roo le, ðo na, ḡo nun haḡa mù hii ni kal mì pavbaḡ, ðay

ji ɛ, ka vi ɓa nzof soko mù taa tusueke, rɔɔ a ɓa yu-ɔ ká ɓil Kriŋi ndaw na.

¹⁷ Ze ɓo, mù kɔ̀ m̀ ɓa nzof buɔ ɓa tusue, rɔɔ zadka'a tji luɔ ɛ, mu yaa ni ɓáy law kere, munu ká mù yáake m̀ na. ¹⁸ A ze, ɓa na fe ɓo ze ka ɓie, mase mbɔl ɓo ze ɔo tul-e hɔy kara, mu ɔaa mbɔlke na ka ɔo tul-i. ¹⁹ Bay key na, ɓa ɓi sùo-i kɪ ze m̀ vbie ɓáy nduo-i ɔo mbede key: ɓi Pol na kɪ ze m̀ púo mù mbɔl fekeri na ɓáy. Roo ɛ, ɔo nun haɲa mu yíɲra ɓay mbɔl ɓi ká ɔo tul-a ká ɓa law-a ká mù mbi ha Zezu Kriŋi ɓáy faa káa Bay Kere ká m̀ kaa na ya. ²⁰ Ze yu-i, kóɔ ɲguɔ hɔy, mu ɔaa fe ká m̀ vbi mù key na ha m̀ ɓáy law ini ɲgeɛmbay, a mú huɔ law-i munu ká naa ɓa yu kɪ ká ɓil Kriŋi.

²¹ M̀ ɔaa mbede key na ha mù, mí kɔ̀ ta-taɲ mii, ɓo na mù ɔ́aa feke. M̀ ɔ́aa kal zadɛ ká m̀ vbi mù ku na rɔɓay. ²² Rɔɓay, mu léke hul nam ka giyaɲ m̀, ɓay ji ɛ, ɓáy faa nzaa ɓay kere ká ì ɔaa na, m̀ kɔ̀ ɛ, waka ya hɔy ɲgeɛwuru a yíɲra m̀ se luɔ-rì ɓa kɪ rɔɓay.

Ɔrɔ ɓie soko

²³ Epafaras ká naa hul sal ziɲ m̀ ɓay tul peɔ Zezu *Kriŋi na hii soko ha mù. ²⁴ Marki ɓáy Arisitak ɓáy Demas rɔɔ Luku, ɓari ká i ɓa ɓaw peɔ ɓiri na kara, i hii soko ha mù ndaw.

²⁵ Ndaɔ ɓay haɲa law huoke ɲgeɛmbay Zezu Kriŋi ka sáɔ ziɲ rì.

Mbede sáka kuni fie
New Testament in Kuo

copyright © 2013 Wycliffe Bible Translators, Inc.

Language: (Kuo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 28 May 2022

1bae8b8b-6141-55e9-b352-adf7a01da5f4